

始祖朝祔府君实录

府君讳端字朝祔唐进士讳克纯（一字京纯）之子也先世汉太邱长实居颍川许昌历传至叔明因避乱迁江州传六世晋国公旺由德化县迁居德安县之长乐里为县著姓遂号为江州陈氏朝祔公旺公七世孙也以材力仕唐懿宗时授招讨使僖宗朝黄巢乱奉敕同将良傑起兵收剿屡战有功授武安节度使加封威列将军公经济素优军民共戴朝廷倚重留镇潭州管辖三邊斯时家长崇尚居祖地江州一门敦睦数代未分中和四年特恩旌表门闾昭宗大顺元年敕封义门授崇为江州长史赠光禄大夫同光二年公以年老解组适外甥彭澹常均避地南行遂偕入长沙雾阳乡喜曰此可以为家矣相与聚于桥上议曰天之所啟惟大吾辈遇大必居公遂居大塘彭居大田常居大贤各得其所因名其聚议之桥曰伙散桥自是而后公功成身退举高爵厚禄夷然不屑意桑麻自乐理乱不闻其智勇深沉殆

所谓豪杰而知道者矣既而与宋夫人赵夫人均以寿考终史册铭勲葬祭如制大博先生须溪刘公铭其墓曰前不可有一后不可有二良有以也生子伯万公亦复克绍前徽庆流后裔至今瓜瓞椒衍传世无穷何莫非祖泽之縣長也乎所可惜者世代迢遥先朝实禄文献无徵所以生年卒月阙如也惟葬地详载亦以信而有徵者传后世子孙以誌思慕云尔